

**AVI KONSÈNAN DWA LOKATÈ YO GENYEN POU YO JWENN LOJMAN REZONAB
POU MOUN KI ANDIKAPE**

Lojman Rezonab

Lalwa sou Dwa Moun Eta Nouyòk egzije founisè lojman yo fè amenajman oswa chanjman nan yon batiman oswa yon espas moun ap viv pou l ka reponn ak bezwen moun ki andikape yo. Pa egzanp, si w gen yon andikap fizik, mantal, oswa nan domèn medikal, ou ka mande founisè lojman w lan pou l fè espas moun frekante souvan yo aksesib, oswa pou l chanje kèk règleman pou l reponn ak bezwen w genyen yo.

Pou w mande yon lojman rezonab, ou dwe kontakte moun ki responsab kay ou abite a, rele

_____ oswa _____, oswa voye yon imel _____. W ap
Management Tel. # Additional Management Tel. # Management Email

bezwen fè founisè lojman w lan konnen ou gen yon andikap oswa yon pwoblèm sante ki anpeche w pwofite kote w rete a, e demann lojman w lan ka nesèsè pou w jwenn menm aksè ak tout moun ak chans pou w itilize ak pwofite kote w rete a oswa avantaj ak sèvis founisè w la ofri an jeneral yo. Founisè lojman an ka mande enfòmasyon medikal, lè sa a nesèsè, pou l ka pwouve gen yon andikap ki kouvri epi bezwen lojman an gen rapò ak andikap la.

Si w panse yo refize w yon lojman rezonab akòz andikap ou genyen an, oswa yo refize w yon lojman oswa ou sibi reprezay paske w mande yon lojman rezonab, ou ka depoze yon plent nan Depatman Dwa Moun Eta Nouyòk jan deskripsyon ki nan fen avi sa a montre sa.

Espesyalman si w gen yon andikap fizik, mantal, oswa nan domèn medikal, ou ka mande:[†]

Pèmasyon pou w chanje anndan kay ou rete a pou w ka fè l vin aksesib (sepandan, se ou menm ki dwe peye pou chanjman sa yo, epi si se lwe ou lwe kay la, moun ki lwe w kay la ka mande pou w remèt kay la jan w te jwenn li a lè w ap kite l); Chanjman nan règleman, fason pou fonksyone, pratik, oswa sèvis yo; Chanjman nan espas moun frekante souvan nan batiman an pou w ka gen menm posibilite ak tout moun pou w itilize batiman an.

* Avi a dwe gen enfòmasyon kontak ladan l lè y ap ba ou l dapre 466.15(d)(1), ki pi wo a. Sepandan, lè y ap ba ou l dapre (d)(2) e lè enfòmasyon sa a pa disponib, fraz la ka parèt konsa: "Pou w mande yon lojman ki rezonab, ou dwe kontakte moun ki responsab lojman w lan."

† Avi sa a bay enfòmasyon konsènan dwa w genyen dapre Lwa sou Dwa Moun Eta Nouyòk la, ki aplikab ak moun k ap viv nenpòt kote nan Eta Nouyòk. Lwa lokal yo ka bay lòt pwoteksyon ki pa mansyone nan Avi sa a, men lwa lokal yo pa ka diminye nan pwoteksyon ou genyen yo.

Lalwa sou Dwa Moun Eta Nouyòk egzije founisè lojman yo pou yo peye chanjman rezonab ki fèt nan espas moun frekante souvan yo.

Egzanp chanjman rezonab ak lojman yo ka fè demann pou yo a dapre Lwa Sou Dwa Moun Eta Nouyòk la gen ladan yo:

Si w gen yon andikap ki anpeche w deplase, yo ka mande founisè lojman w lan pou l ba w yon ranp oswa yon lòt mwayen rezonab k ap pèmèt ou antre ak sòti nan batiman an.

Si kote w suiv doktè a yo ba w dokiman pou w pwouve yon bèt ap ka ede w ak andikap ou a, yo dwe aksepte pou w gen yon bèt lakay ou menm si règleman di "bèt entèdi".

Si w bezwen yon bawo pou w kenbe nan twalèt ou a, ou ka mande otorizasyon pou w mete yo e w ap peye pou w fè mete yo. Si kay ou rete a te konstwi pou moun kòmanse abite ladan l aprè 13 Mas 1991 e mi yo bezwen vin pi solid pou yo ka pran bawo pou moun kenbe, founisè lojman w lan dwe peye pou travay sa ka fèt.

Si w gen yon andikap ki fè w bezwen yon espas pou pakin ki toupre kote w rete a, ou ka mande founisè lojman w lan pou l ba w espas pakin sa a, oswa mete w nan tèt yon lis ki gen moun k ap tann si pa gen okenn plas ki toupre a ki disponib.

Si w gen yon andikap vizyèl e w bezwen avi ki enprime nan yon lòt fòm tankou enpresyon gwo lèt, oswa ou bezwen yo voye avi pa mwayen elektwonik pou ou, ou ka mande moun ki lwe w kay la pou l fè aranjman sa a pou ou.

Prensip Aksesibilite Ki Obligatwa

Tout batiman ki te konstwi apre 13 Mas 1991, dwe respekte prensip sa yo: Espas piblik ak kote moun frekante souvan yo dwe aksesib epi yo dwe pare pou moun andikape ka itilize yo.

Tout pòt yo dwe laj ase pou pèmèt moun ki sou chèz woulant pase; epi

Tout batiman familyal yo dwe gen pasaj, limyè, priz, tèmosta, twalèt, ak kizin.

Si w panse batiman w rete a pa respekte prensip aksesibilite ki obligatwa yo, ou ka depoze yon plent nan Depatman Dwa Moun Eta Nouyòk.

Fason pou w Depoze yon Plent

Ou dwe depoze yon plent nan espas yon lane kòmanse depi lè w panse gen zak diskriminasyon an oswa nan tribinal nan espas twa lane kòmanse depi lè w panse gen zak diskriminasyon an. Ou ka jwenn plis enfòmasyon konsènan dwa w genyen yo, ak etap pou w depoze yon plent yo lè w ale sou www.dhr.ny.gov, oswa lè w rele nan 1-888-392-3644. Ou ka jwenn yon fòmilè plent sou sit entènèt la, oswa yo ka voye youn pa imel oswa pa lapòs ba ou. Ou ka rele tou oswa voye yon imel bay biwo Depatman rejyonal. Biwo rejyonal yo sou sit entènèt la.